

# Izjava OHR-a na konferenciji za medije međunarodnih organizacija

OHR pozdravlja početak rada BHTV 1

Sutra ćemo biti svjedoci početka rada kanala BHTV 1 što predstavlja važan i dobrodošao korak naprijed za sistem javnog emitovanja u BiH.

Ovaj kanal će služiti svim građanima BiH. On će emitirati program koji pokriva cijeli spektar zabavnog programa i programa iz kulture, domaćeg i stranog, na jezicima svih naroda BiH. Činjenica da emitiranje programa počinje prijenosom vrhunskog događaja kao što su Olimpijske igre, na određeni način sugerira kakvu vrstu usluga će BHTV 1 biti u stanju pružiti građanima ove zemlje.

Ovo je prvi put nakon rata da će gledaoci biti u stanju gledati program koje se emitira na cijeloj teritoriji BiH. Ovo predstavlja vrhunac višegodišnjeg rada i OHR čestita svima onima koji su bili uključeni u ovaj posao. Na samom početku, BHTV 1 će imati programsku šemu od nekoliko sati a to će se vremenom mijenjati.

Ovo je također jedan od važnih zahtjeva iz Studije izvodljivosti, kojim se traži jedinstven sistem javnog informiranja koji je samo-održiv i koji se odnosi na cijelu

zemlju, te prevazilazi podjele.

Sada je od ključne važnosti da Parlament BiH usvoji zakone o sistemu javnog emitiranja u takvom obliku kojim će se zadovoljiti zahtjevi iz Studije izvodljivosti. Ovi novi zakoni unapređuju postojeću legislativu u dijelu koji se odnosi na finansiranje, menadžment i korištenje zajedničke infrastrukture kako bi se osiguralo da se sistem javnog emitiranja i dalje razvija.